




МОЛИТВЫ

*о зачатии
ребенка*



Спаси и сохрани

Татьяна Лагутина
Молитвы о зачатии ребенка

«РИПОЛ Классик»

2011

Лагутина Т. В.

Молитвы о зачатии ребенка / Т. В. Лагутина — «РИПОЛ Классик», 2011 — (Спаси и сохрани)

ISBN 978-5-457-14453-8

Счастье материнства и отцовства, к сожалению, дано ощутить не каждому. Многие семейные пары, безуспешно пытаясь решить проблему бездетности с помощью врачей и знахарей, в конечном итоге примиряются со своей участью и перестают бороться за право быть родителями. Но это право необходимо заслужить: чтобы чистая душа ребенка могла к вам приблизиться, нужно самим постараться стать чище душой, постоянно работать над собой, над своими чувствами и мыслями, и конечно же молиться. В эту книгу вошли молитвы, которые помогут вам обрести семейное счастье и зачать ребенка. Молитвы подобраны из канонических молитвословов.

ISBN 978-5-457-14453-8

© Лагутина Т. В., 2011
© РИПОЛ Классик, 2011

Содержание

Введение	5
Молитвы о даровании детей (о зачатии ребенка)	6
Молитва супругов о даровании детей	6
Молитва о зачатии на Рождество Пресвятой Богородицы	7
Молитва Богородице о даровании детей	8
Пред иконой Божией Матери Грузинская о разрешении неплодства	9
Пред иконой Божией Матери Толгская о разрешении неплодства	10
Пред иконой Божией Матери Иверская Монреальская о разрешении неплодства	11
Святому пророку Захарии и Елисавете о разрешении неплодства	12
Праведным богоотцам Иоакиму и Анне о разрешении неплодства	14
Конец ознакомительного фрагмента.	15

Т. В. Лагутина

Молитвы о зачатии ребенка

Введение

Во всех бедах и горестях, нуждах и напастях человеку помогают святые помощники. Они оберегают не только наше тело, но и душу, наставляют нас на путь истинный, облегчают страдания, избавляют от недугов.

Если вам не дано счастье стать родителями, ощутить радость материнства и отцовства, это серьезный повод задуматься о том, за какие грехи Бог не позволяет вам продлить свой род. Возможно, в юности вы жили беспорядочной половой жизнью или делали аборты. Возможно, вы с супругом чрезмерно переживаете отсутствие детей, беспокоитесь по этому поводу, тем самым отодвигая желанный миг рождения ребенка. Беспокойные, полные душевной тревоги муж и жена вряд ли станут хорошими родителями. В этом случае необходимо привести свои мысли и чувства в порядок, достичь душевной гармонии, научиться смирению и довериться Божественной воле, и тогда проблема решится сама собой.

Причиной бездетности может стать и стремление супругов сначала «встать на ноги». Им важнее обзавестись прежде всего машиной, квартирой, дачей, объездить полмира, а только потом они решают родить ребенка. Но заикленность на материальной стороне жизни в ущерб душе приводит к тому, что в такой семье не может появиться малыш, потому что, кроме комфортного места проживания и пищи, ему необходимо, чтобы душа родителей была жива, а не задавлена материальным благополучием. Без духовного возрождения появление полноценных детей невозможно.

Часто бывает так, что отсутствие детей является не наказанием, а Божиим промыслом, чтобы ребенок-сирота через бездетных супругов получил помощь и родительскую любовь. Если муж и жена понимают это, принимают в свою семью чужого малыша и начинают любить его, как своего собственного, у них впоследствии рождаются собственные дети.

Отсутствие детей может быть следствием грехов против Бога, например богохульство, разрушение храмов, монастырей, надругательство над крестами и иконами. Если родители посылают своим детям проклятия, то тем самым они обрекают их на несчастливую семейную жизнь и бездетность. Искреннее раскаяние родителей – вот выход из такой ситуации.

Многие мужчины и женщины страдают бесплодием не по духовным, а по медицинским причинам. К проблемам со здоровьем приводят также неправильное поведение, мысли и чувства.

Но это не означает, что нужно отказаться от мысли о зачатии ребенка. Здесь необходима серьезная работа над собой и над своей душой. А помогут в этом молитвы и соблюдение постов. С просьбами о Божественной помощи в зачатии ребенка можно обращаться к Господу нашему Иисусу Христу, Божией Матери, богоотцам Иоакиму и Анне и другим святым, молитвы к которым приведены в данной книге.

Молитвы о даровании детей (о зачатии ребенка)

Молитва супругов о даровании детей

Услыши нас, Милосердный и Всемогущий Боже, да молением нашим ниспослана будет благодать Твоя. Будь милостив, Господи, к молитве нашей, вспомни Закон Твой об умножении рода человеческого и буди милостивым Покровителем, да Твоею помощью сохранится Тобою же установленное. Ты властною силою Твоею из ничего все сотворил и положил начало всего в мире существующего – сотворил и человека по образу Своему и высокою тайною освятил союз супружества и предуказание тайны единения Христа с Церковью. Призри, Милосердный, на рабов Твоих сих (*имена*), союзом супружеским соединенных и умоляющих о Твоей помощи, да будет на них милость Твоя, да будут плодовиты и да увидят они сына сынов своих даже до третьяго и четвертаго рода и до желаемой старости доживут и войдут в Царство Небесное через Господа нашего Иисуса Христа, Которому всякая слава, честь и поклонение подобает со Святым Духом во веки.

Молитва о зачатии на Рождество Пресвятой Богородицы

О, Пречистая и Преблагословенная Дева, у Бога святыми молитвами испрошенная, Богу посвященная, Богом возлюбленная, и чистоты ради души и тела Твоего Матерью Сына Божиего, Господа нашего Иисуса Христа избранная.

Кто Тебя не ублажит или кто не воспоеет Твоего преславного рождества ибо Рождение Твое это начало спасения нашего. Прими от нас, недостойных, хвалу тебе и не отринь мольбу нашу. Твое величие исповедуем, к Тебе во умилении припадаем и скорую в заступлении чадолубивую и благоусердную Матерь просим: испроси Сына Твоего и Бога нашего дать нам грешным, искреннее покаяние и благочестивую жизнь, да возможность жить Богу угодно и душам нашим полезно. О Преблагословенная Дева Мария, Царице небес и земли, призри милостиво на рабов Твоих которые не смогли еще разродиться потомством и Твоим всесильным ходатайством ниспосли им исцеление от бесплодия. О Богородица и Питательница жизни нашей, буди нам в помощь и верные чада Святой Церкви спаси, мольбы наши услышь, болящих уврачуй, скорбь утоли, мужество ко благу направи. Темже смиренно к Тебе прибегаем и просим: испроси нам у Всемиловитого Господа Бога прощение всех грехов наших вольных и невольных, страждущему отечеству нашему спасения, мира, тишины и благочестия. И все, что жизни и спасению нашему так необходимо, испроси нам у Сына Твоего, Христа Бога нашего. Ты надежда наша в час смерти, даруй нам христианскую кончину, и наследие вечных и неизреченных благ Царства Небесного. Со всеми святыми неустанно просим тебя о заступничестве и славим единого Истинного Бога, во Святой Троице покланяемого, Отца и Сына и Святого Духа.

Аминь.

Молитва Богородице о даровании детей

О, Пресвятая Дево, Мати Господа Вышняго, скоропослушная заступнице всех, к Тебе с верою прибегающих! Призри с высоты небеснаго величия Своего на меня непотребную, припадающую к иконе Твоей, услыши скоро смиренную молитву мене грешной и принеси ю к Сыну Своем; умоли Его, да озарит мрачную душу мою светом Божественный благодати Своея и очистит ум мой от помыслов суетных, да успокоит страждущее мое сердце и исцелит раны его, да вразумит мя на добрая дела и укрепит работати Ему со страхом, да простит вся соделанная мною злая, да избавит вечныя муки и не лишит Небеснаго Своего Царствия. О, Преблагословенная Богородице! Ты благоизволила еси нарецися во образе Своем Грузинской, повелеваючи всем притекати к Тебе с верою, не презри убо мене скорбнаго и не попусти погибнути мне в бездне грехов моих. На Тя по Бозе все мое упование и надежда спасения, и Твоему покрову и предстательству поручаю себе во веки. Славлю и Благодарю Господа, что послал мне счастье супружеского состояния. Молю Тебя, Матерь Господа и Бога и Спасителя моего, да Твоими Матерними молитвами пошлет мне и супругу моему возлюбленному чадо. Да дарует Он мне плод чрево моего. Да устроится он волею Его, во славу Его. Перемени скорби души моей на радость зачатия во чреве моем. Да славлю и благодарю Тебя Матерь Господа моего во вся дни жизни моей. Аминь.

Пред иконой Божией Матери Грузинская о разрешении бесплодия

Молитва

Приими, всеблагословная Пречистая госпоже Владычице Богородительнице, сия честные дары от нас, недостойных рабов Твоих, к Твоему целительному образу пение возсылающих со умилением, яко Тебе Самой сущей ту и послушающей моления наша и подающей с верою просящим по коемуждо прошению и исполнению: скорбящим скорби облегчаешь, немощным здравие даруешь, расслабленных и недужных исцеляешь и от бесных бесы прогонишь, обидимых от обид избавляешь, и насилуемых спасаешь, грешных прощаешь, Проклятых очищаешь и малых детей милуешь, и бесплодные от бесплодия разрешаешь. Еще, госпоже Владычице, от уз и темниц освобождаешь и всякия многоразличные страсти исцеляешь и очные болезни врачуешь и от смертоносных язв избавляешь: вся бо возможна суть ходатайством Твоим к Сыну Твоему, Христу Богу нашему. О всепетая Мати, Пречистая Богородице! Не престай молить о нас недостойных раб Твоих, славящих Тя и почитающих, и поклоняющихся Пречистому образу Твоему, и надежду имущих невозвратну, и веру несумненну, к Тебе Приснодеве, преславней и непорочной, славящих и чтущих, и поющих Тя во веки веков.

Аминь.

Тропарь

От святых икон Твоя, о Владычице Богородице, спасение и цельбы подаются всем с верою и любовью приходящим к ней. И мою немощь посети, и душу мою помилуй, Благая, и тело мое изцели благодатию Твоею, Пречистая.

Пред иконой Божией Матери Толгская о разрешении бесплодия

Молитва

Приими, о Всеблагословенная и Всемошная, Пречистая Госпоже Владычице, Богородице Дево, сия молитвы, со слезами Тебе ныне приносимыя от нас, недостойных рабов Твоих, к цельбоносному образу Твоему со умилением притекающих, яко Тебе Самей ту сущей, и слышащей моления наша, и подающей с верою просящим по коемуждо прошению исполнение. Скорбящим бо скорби облегчаеши, немощным здравие даруеши, расслабленных и недужных исцеляеши, от бесных бесы прогоняеши, обидимыя от обид избавляеши и гибнущия спасаеши, грешных кающихся прощаеши, проказенных очищаеши, малых детей милуеши, от уз и темниц свободяеши, и всякия многоразличныя страсти врачуеши Ты, Госпоже Владычице Богородице: вся бо суть возможна ходатайством Твоим к Сыну Твоему, Христу Богу нашему. О Всепетая Мати, Пресвятая Богородице Дево Марие! Не престай молиться о нас, недостойных рабах Твоих, славящих Тя и почитающих, и поклоняющихся пречистому образу Твоему, и надежду имущих невозвратну и веру несумненну к Тебе, Приснодеве Преславней и Непорочней, ныне и присно, и во веки веков.

Аминь.

Тропарь, глас 7-й

Днесь светло сияет на Толге образ Твой, Пречистая Дево Богородице, и, яко солнце незаходимое, всегда верным подаеся, Егоже видево на воздусе, невидимо Ангелы, яко никим, держама, преосвященный епископ града Ростова Трифон тече ко явленному светящемуся столпу огненну, и по водам, яко по суху, преиде, и моляшеся Ти верно о пастве и о людех. И мы, к Тебе притекающе, зовем: Пресвятая Дево Богородице, верно Тя славящих спасай, страну нашу, архиереев и вся Российския народы от всех бед избавляй по велицей Твоей милости.

Пред иконой Божией Матери Иверская Монреальская о разрешении бесплодия

Молитва

О, Преславная Госпоже, Царице Небесе и земли, Дево Богородице! Пред честною иконою Твоею ныне припадающе, умиленным сердцем вопием Тебе малое моление сие наше, яко раби неключими есмы, осуждение прияти имущии, но Твоим всемогущим ходатайством Судии умилоствления чающе. Веруем и уповаем, Владычице, яко не хотяи смерти грешных Сын Твой ходатайству Твоему внемлет, и ныне известихомся о сем чудным знамением от иконы Твоея мироточивыя, от неяже и исцеления обильно источила еси всем с верою и любовию к Тебе притекающим. Сего ради и вопием Тебе со слезами: пощади окаянство наше, прости нам неверность нашу, сокруши гордыни наша превозношение, отжени нечувствие от сердец ожесточенных, призри на воздыхание унынием боримых, уцеломудри нас будущего воздаяния ожиданием. И подаждь, Госпоже, Церкви нашей в истине непоколебимое стояние и в любви благое возвращение, от всех козней бесовских и суемудрии еретических покрый нас и расточенныя верныя собери воедино, да вси на земли православно Тя славящии и в Небесных чертогах воспети сподобятся всечестное имя Святыя Троицы и Твое милостивное о нас заступление во веки веков.

Аминь.

Тропарь, глас 7-й

От святыя иконы Твоея, о Владычице Богородице, миро благодатное источила еси обильно, верныя Твоя во изгнании сущия утешила еси и неверныя светом Сына Твоего просветила еси. Темже и припадаем к Тебе, Госпоже, со слезами: милостива нам буди в час судный, да некако толикую милость Твою восприявше, яко презорливи наказани будем, но подаждь нам Твоими молитвами плод духовный принести и спаси души наша.

Святому пророку Захарии и Елисавете о разрешении бесплодия

Молитва первая

Боже святыи и во святых почиваяи, трисвятым гласом на небеси от ангел воспеваемый, на земли от человек во святых Своих хвалимый, давый Святым Твоим Духом коемуждо благодать по мере дарования Христова, и тою поставивый Церкви Твоей Святей овы апостолы, овы пророки, овы же благовестники, овы пастыри и учителя, ихже словом проповеди, Тебе Самому действующему вся во всех, мнози совершишася святии в коемуждо роде и роде, различными благодетельми благоугодившии Тебе, и к Тебе, нам образ добрых подвигов своих оставивше, в радости прешедшии, готови, в немже сами искушени быша, и нам напаствуемым помогати. Сих святых всех и святого пророка Захарию и праведную Елисавету воспоминаи и их богоугодное похваляи житие, Тебе Самаго, в них действовавшего, восхваляю, и онех благотворения Твоя дарования быти веруя, прилежно молю Тя, Святе святых, даждь ми грешному последовати их учению, житию, любви, вере, долготерпению, и их молитвенною помощию, паче же Твоею вседействующею благодатию, небесныя с ними сподобитися славы, хваляще Пресвятое имя Твое, Отца и Сына и Святаго Духа во веки. Аминь.

Молитва вторая

О, преблаженнии угодницы Божии, вси святии, предстоящи Престолу Пресвятыя Троицы и наслаждающиеся неизреченнаго блаженства! Се ныне, в день общаго вашего торжества, милостивно призрите на нас, меньших братии ваших, приносящих вам сие хвалебное пение, и ходатайством вашим просящих милости и отпущения грехов у Преблагаго Господа; вемы бо, воистину вемы, яко вся, елика восхощете, испросити у Него можете. Темже убо смиренно молимся вам, и святому пророку Захарии и праведной Елисавете, молитесь Милостиваго Владыку, да подаст нам дух вашей ревности к хранению святых Его заповедей, яко, да текше по стопам вашим, возможем земное поприще в добродетельном житии без порока преити, и в покаянии достигнути преславных селений райских, и тамо купно с вами прославляти Отца и Сына и Святаго Духа, во веки веков. Аминь!

Молитва третья

К вам, о святии вси и святыи пророци Захария и праведная Елисавета, яко путеводным светильникам, деяньми своими осветившим путь небеснаго восхода, аз многогрешный смиренно колена сердца моего преклоняю и из глубины души взываю: умолите о мне Человеколюбца Бога, да не попустит ми еще блуждати по распутиям греха, но да просветит мой ум и сердце светом благодати Своея, яко да тою озаряем и подкрепляем, возмогу прочее время земнаго жития правою стезею испреткновенно преити и ходатайством вашим к Преблагому Господу сподоблюся, поне в мале причастник быти духовныя вашей трапезы в небесном чертозе Царя славы. Емуже со Безначальным Его Отцем и Пресвятым, Благим и Животворящим Духом буди слава, честь и поклонение во веки веков. Аминь.

Молитва четвертая

О, святые угодники Божии пророче Захария и праведная Елисавета, подвигом добрым подвизались на земли, восприяли еси на небесех венец правды, егоже уготовал еси Господь всем любящим Его; темже взирающе на святую икону вашу, радуемся о преславнем скончании жительства вашего и чтем святую память вашу. Вы же, предстоя Престолу Божию, приимите моления наша и ко Всемилостивому Богу принести, о еже простити нам всякое прегрешение и помощи нам стати противу кознем диавольским, да избавльшеся от скорбей, болезней, бед и напастей и всякого зла, благочестно и праведно поживем в нынешнем веце и сподобимся предстательством вашим, аще и недостойни есмы, видети благая на земли живых, славяще Единого во святых Своих славимаго Бога, Отца и Сына и Святаго Духа, ныне и во веки веков. Аминь.

Тропарь, глас 2

Праведных твоих Захарии и Елисаветы, Господи, память празднующе, теми молим Тя: спаси души наша.

Тропарь святому пророку Захарии, глас 4

Священства одеждою обложен, премудре, по закону Божию всесожжения приятна священнолепно приносил еси, Захарие, и был еси светильник и зритель тайных, знамения в тебе благодати нося явственно, всемудре, и мечем убиен быв в храме Божии, Христов пророче, с Предтечею моли спастися душам нашим.

Кондак святому пророку Захарии, глас 3

Пророк днесь и священник Вышняго, Захария предложи, Предтечев родитель, трапезу своея памяти, верная питая, питье бо правды всем растворив, сего ради скончается, яко Божественный таинник Божия благодати.

Кондак праведной Елисавете, глас 4

Яко луна полна, Свет Правды от Мысленнаго Солнца Мессии прияла еси, и во всех заповедех Господних с Захарием ходила еси, Боговозлюбленная Елисавето. Достойными убо ты песнями ублажающе, Всещедрого Света, просвещающего всех, Господа величаем.

Праведным богоотцам Иоакиму и Анне о разрешении неплодства

Молитва первая

О святити праведницы, Богоотцы Иоакиме и Анно! Молите Милосердаго Господа, яко да отвратит от нас гнев Свой, по делом нашим праведно на ны движимый, и да безчисленная прегрешения наша презрев, обратит нас, раб Божиих (*имена*), на путь покаяния, и на стези заповедей Своих да утвердит нас. Таже молитвами вашими в мире жизнь нашу сохраните, и во всех благих благое поспешение испросите, вся к животу и благочестию потребная нам от Бога дарующе, от всяких напас тей и бед и внезапныя смерти предстательством вашим нас избавляюще и от всех враг видимых и невидимых защищающе, и тако в мире временное сие житие прешедше, в вечный достигнем покой, идеже вашим святым умолением да сподобимся Небеснаго Царствия Христа Бога нашего, Емуже со Отцем и Пресвятым Духом подобает всякая слава, честь и поклонение во веки веков.

Молитва вторая

О приснославнии Христовы праведницы, святити Богоотцы Иоакиме и Анно, предстоянии небесному престолу Великаго Царя и велие дерзновение к Нему имущии, яко от Преблагословенныя Дщери вашея, Пречистыя Богородицы и Приснодевы Марии, воплотитися изволившему, к вам, яко многомощным предстателем и усердным о нас молитвенникам, прибегаем мы грешнии и недостойнии. Молите благость Его, яко да отвратит от нас гнев Свой, по делом нашим праведно на ны движимый, и да безчисленные прегрешения наша презрев, обратит нас на путь покаяния и на стезе заповедей Своих да утвердит нас. Таже молитвами вашими в мире живот наш сохраните и во всех благих благое поспешение испросите, вся яже к животу и благочестию потребная нам от Бога дарующе, от всяких напастей и бед и напрасныя смерти, предстательством вашим нас избавляюще, и от всех враг видимых и невидимых защищающе, яко да тихое и безмолвное житие поживем во всяком благочестии и чистоте, и тако в мире временное сие житие прешедше, в вечный достигнем покой, идеже вашим святым умолением, да сподобимся Небеснаго Царствия Христа Бога нашего, Емуже со Отцем и Пресвятым Духом подобает всякая слава, честь и поклонение во веки веков.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.